

姚州志卷之十一

督憲岑

學憲盧

鑒定

州尊

陸易

正定

貢生甘雨輯

府憲陳

張曾

雜志

纂修州志既以天文地理建置食貨祠祀武備職官

選舉人物藝文十門總括其全矣此外有不能以類

附者輯爲雜志一篇事雖各出而按籍可稽亦不類

而類焉耳

賞血

坊表

災祥

古蹟

勝境

冢墓

賞卹雜誌之一

我

朝

列聖相承道洽政治

宵旰勤勞息息與民生之休戚相通姚雖僻在萬里而薄
歎偏災亦蒙蠲賑其或恭逢

慶賀之典則疊沛

恩綸卹孤養老

賞賜及於窮簷

妙州志 卷十一 雜志
湛恩汪穢固已淪肌浹髓矣茲敬謹纂述錄爲蠲卹一篇

奉揚

聖德然條糧必詳其免徵之故

賜卹必詳其受賜之人若舊志所載統乎天下徧於通
省而全不繫以姚事者皆不具錄非敢略也以有省
志之記載無煩此之贅言耳

○舊志康熙二十二年大軍開復全滇總督蔡毓榮巡

撫王繼文

奏請蠲免姚安府荒蕪田賦欽奉

諭旨將荒蕪田地勘丈申報蠲免租賦三年

○舊志雍正七年

恩賞滇省標鎮營生銀一萬九千兩以濟兵丁吉凶之需
○楚姚鎮實分銀六千兩

○舊志嘉慶元年

仁宗睿皇帝登極

賜老人周興國陳鐘蔡世臣楊耿光粟帛

○舊志道光元年

宣宗成皇帝登極

賜老人吳鳴玉張安仁陳智關朗粟帛絹匹是年苴卻
永北軍興大兵經過州境供億煩苦欽奉

諭旨免秋糧十分之三

○採訪道光二十五年

賜老人陳希古段雲鴻李忠粟帛

○採訪同治九年回逆亂平欽奉

諭旨蠲免租賦三年其荒蕪田地經有司詳報欽奉

諭旨蠲免租賦十年

○採訪同治十年督撫以州屬殉難士民曾希孔等四

十八

奏請

旌卹欽奉

諭旨卹賞有差

本朝雅化涵濡登巍科而勵奇節者代有其人建坊者大

不一而是然自兵興後見毀殆盡今依舊志而簡記

之考其基址者其姓氏蓋有不忍湮沒之意焉

金尊玉振坊

舊志在文廟前

坊表

雜志之二

國家於忠孝節義之人與夫奮起科名之士皆給建坊之費表其門閭其卽古人表宅里以樹風聲之意乎姚自前明迄於

本朝雅化涵濡登巍科而勵奇節者代有其人建坊者亦不一而足然自兵興後圯毀殆盡今依舊志而備紀之考其基址著其姓氏蓋有不忍湮沒之意焉

金聲玉振坊

舊志在文廟左右

雲程萬里坊

舊志在學署前

迎暉坊

舊志在東門外知府王嘉慶建知府趙澍更

其匾曰貢士列歷年貢士姓名於上

滇西鎖鑰坊

舊志在小南門外按院潘濬題其額

棟川坊

舊志在大南門外知府王嘉慶建知府趙澍

重修更其匾曰登仕列歷年縉紳姓名於上

拱辰坊

舊志在城北

迎恩坊

舊志在城南知府王嘉慶建

父子兄弟連科坊

舊志在北街巡撫周嘉謨爲舉人

陶希皋陶珽陶珙陶璟建

進士坊

舊志在北街進士陶珽建

經元坊

舊志在西街舉人楊一麟建

進士坊

舊志在南街進士楊道東建

青雲聯步坊

舊志在十字街舉人徐體震建

雙桂坊

舊志在十字街舉人李雲李霖建

經魁坊

舊志在東街舉人龔彥廣建

登科坊

舊志在南街舉人邱鑑建知府趙澍重修列

歷年舉人姓名於上

孝行坊

舊志在州東孝子土府同高梓潼賜建

壽世麻祥坊

舊志在城東門外

恩賜舉人劉昌

國建

昇平人瑞坊

舊志在城東朱家屯百歲生員朱絢建

清標彤管坊

舊志在城東馬房街節孝由于陞妻冉

氏建

鈕金章妻節孝坊

舊志在城東鎖水閣

陳師孔妻節孝坊

舊志在城西門外

陳維新妻節孝坊

舊志在城東門內

關玳妻節孝坊

舊志在南界大屯

聖旨坊

高翥映雞足山志州人楊澄顥者精阿吒喇

教嘉靖時被詔入京祛大崇賜建聖旨坊其坊在塔
境湖上匾曰通明顯密上有聖旨字今其址均無矣

明

災祥

雜志之三

周禮眡祲掌十輝之法以觀妖祥辨吉凶蓋庶徵休咎足以驗政治之得失故王者設官掌之而後世史志亦必有災祥之紀也州舊志於豐凶星火風雨之變載之綦祥而咸同兵興時災異屢見茲訪而續之彰天戒謹人事或亦言政者所不廢乎

○舊志

起明景泰四年訖
國朝道光十三年

明

景泰四年旱民大饑

天順元年州東山夜見黑牛倏有泉湧出利灌溉
成化八年大水傷禾

嘉靖四十年七月霪雨傷禾民饑

四十二年霪雨浹旬一泡江水溢傷禾

四十三年南關後街火

隆慶二年南關火延燒民居數百家

萬曆十年東關火延燒民居數十家

十八年有錦雉集尊經閣飛繞三日

二十一年秋大雨浹旬水泛溢橋梁盡圯田畝半爲

衝沒米價騰貴

二十二年養濟院火延燒民居二百餘戶焚死三人

二十四年霪雨傷禾斗米五十餘貝餓殍滿野

三十五年地震有聲連震七次者一日前後震三十

餘次

是冬鳳
克亂

三十六年十一月地震有聲一日七次

三十七年七月黑蟲食禾殆盡十月西北五色雲見

自未至申乃散

三十八年二月至六月不雨

四十年六月夜半雷雨交作頃刻水深三尺

四十一年正月十三日大風拔樹吹倒城牆四十七

丈十二月後街火延燒民居八十四家

四十三年二月至六月不雨十月五色雲見西北

四十五年正月初五日南關火延燒民居數十家四

月東關又火是年蓮花池蓮開並蒂者二

四十六年十一月慧星見長竟天至十二月乃滅

崇禎壬午年十一月地震四十餘次城堞俱傾

己丑二月陽溪溯水渾濁

四月張虎寇姚橫殺百姓十去其七